

憲示第二十九號

輔政使司駱

招人充當傳話事照得現奉

為

督憲札開潔淨衙門幫辦傳話一缺正在需人該缺專司通傳言語之職倘有精通英中兩國語言能以互相轉譯操詞敏捷願意充當此缺者可將本人年歲及證明品行端方身體強壯各書函一並呈遞到政司衙門察閱限至本月二十五日禮拜五正午止截該缺辛俸每年議給洋銀式百陸拾肆圓遞年加增十二圓至四百零八圓為止等因奉此合行出示俾眾週知特示

一千九百零一年

正月

十六日示

憲示第三十四號

輔政使司駱

曉諭事照得現奉

督憲札開各營官定期在下開各處地方操演炮位於本月廿一廿三廿五三十一等日其炮口在鯉魚門則向東北方及正東方東南方開放本月二十八三十等日其炮口在北角則向正北方及東北方開放凡各船戶人等切勿駛近炮碼所經之處等因奉此合亟出示曉諭俾眾週知毋違特示

一千九百零一年

正月

十六日示

憲示第三十五號

輔政使司駱

曉諭事現奉

督憲札開招人投接在干諾道南便及在船政廳署前之地處築新上環街市地脚合約內訂明禮拜日不准做工所有投票均在本署收截限期收至西歷本年正月二十八日即禮拜一日正午止如欲領投票格式觀看章程及知詳細者前赴工務司署請示可也各票價列低昂任由

國家棄取或總棄不取亦可等因奉此合亟出示曉諭為此特示

一千九百零一年

正月

十七日示

憲示第六號

輔政使司駱

曉諭事現奉

督憲札開將官地一段出投該地係冊錄九龍內地段第一千一百一十七號坐落九龍望角嘴定於西歷本年正月二十一日即禮拜一下午三點鐘在工務司署當眾開投如欲知投賣章程詳細者可將西歷本年憲示第四篇閱看可也等因奉此合亟出示曉諭為此特示

一千九百零一年

正月

初五日示